



TEKS

KHUTBAH

NEGERI PAHANG

“KHUTBAH HARI RAYA AIDILFITRI 2024”



KHUTBAH AIDILFITRI 1445H | 2024M
KUKUHKAN PERPADUAN ELAKKAN PERSENGKETAAN
01 SYAWAL 1445H

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ،

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ،

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ،

الْحَمْدُ لِلَّهِ نَحْمَدُهُ وَنَسْتَعِينُهُ وَنَسْتَغْفِرُهُ. وَنَعُوذُ بِاللَّهِ مِنْ شُرُورِ أَنْفُسِنَا وَمِنْ سَيِّئَاتِ أَعْمَالِنَا. مَنْ يَهْدِهِ اللَّهُ فَلَا مُضِلَّ لَهُ وَمَنْ يُضِلِّهِ فَلَا هَادِيَ لَهُ. وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ.

اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ.
أَمَّا بَعْدُ،

فَيَا عِبَادَ اللَّهِ، اتَّقُوا اللَّهَ وَأَوْصِيكُمْ وَإِيَّايَ بِتَقْوَى اللَّهِ، فَقَدْ فَازَ الْمُتَّقُونَ.

Marilah kita bersama-sama meningkatkan ketakwaan kepada Allah Subhanahu wa-Ta'ala dengan melaksanakan segala perintah dan meninggalkan segala larangannya. Mudah-mudahan kita diberkati Allah *Subhanahu wa Ta'ala* di dunia dan akhirat.

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَاللَّهُ أَكْبَرُ،

Muslimin Muslimat Yang Dirahmati Allah Subhanahu wa Taala,

Maha Besar Allah, yang telah mengizinkan kita semua berhimpun pada pagi Aidilfitri ini, bagi menyaksikan tanda-tanda kebesaran Allah dan rahmat-Nya yang melimpah ruah. Pada pagi ini, kita sama-sama bersyukur atas nikmat Allah Subhanahu wa Taala yang telah mengizinkan kita melalui madrasah Ramadan al-Mubarak. Mudah-mudahan Allah mengurniakan takwa yang berkekalan untuk kita buat panduan dalam kehidupan.

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَاللَّهُ أَكْبَرُ،

Aidilfitri merupakan sambutan yang berulang setiap tahun, hari untuk makan dan minum serta bergembira, setelah sebulan berpuasa. Ia juga menjadi lambang kembalinya hamba kepada fitrah dan kesucian. Pada hari ini, umat Islam tanpa mengira darjat dan kedudukan, bersatu-padu atas nama Islam. Dengan semangat persaudaraan Islam, kita melupakan segala kebencian dan permusuhan, saling bermaaf-maafan. Firman Allah Subhanahu wa Taala dalam Surah al-Hujurat ayat 10:

أَعُوذُ بِاللَّهِ مِنَ الشَّيْطَانِ الرَّجِيمِ

إِنَّمَا الْمُؤْمِنُونَ إِخْوَةٌ فَأَصْلِحُوا بَيْنَ أَخَوَيْكُمْ وَاتَّقُوا اللَّهَ لَعَلَّكُمْ تُرْحَمُونَ ﴿١٠﴾

Yang bermaksud: “*Sebenarnya orang yang beriman itu adalah bersaudara, maka damaikanlah di antara dua saudara kamu (yang bertelingkah) itu; dan bertakwalah kepada Allah supaya kamu beroleh rahmat.*”

Muslimin Muslimat Yang Dirahmati Allah Subhanahu wa Taala,

Pada hari yang mulia ini, janganlah kita lupa akan sejarah kegemilangan umat Islam yang pernah menguasai dan mentadbir lebih separuh dunia ini dengan penuh keadilan. Kejayaan ini adalah hasil daripada perpaduan umat Islam. Namun demikian, sejarah membuktikan betapa dengan asbab perpecahan, maka tamadun umat Islam akhirnya tumbang. Inilah yang disaksikan di saat kejatuhan Baghdad kepada tentera Moghul, Baitulmaqdis kepada tentera Salib, begitu juga kejatuhan Andalusia ke kuasa barat. Akhirnya, jati diri umat Islam lemah, dan seinci demi seinci tanah umat Islam jatuh ke tangan pihak musuh dan penyokong mereka, termasuklah pada masa sekarang, Palestin yang tidak pernah dilupakan. Ingatlah firman Allah Subhanahu wa Taala dalam Surah al-Anfal ayat 46:

وَأَطِيعُوا اللَّهَ وَرَسُولَهُ وَلَا تَنَازَعُوا فَتَفْشَلُوا وَتَذْهَبَ رِيحُكُمْ وَأَصْبِرُوا إِنَّ

اللَّهُ مَعَ الصَّابِرِينَ ﴿٤٦﴾

Yang bermaksud: “Dan taatlah kamu kepada Allah dan Rasul-Nya, dan janganlah kamu berbantah-bantahan kalau tidak, nescaya kamu menjadi lemah semangat dan hilang kekuatan kamu, dan sabarlah (menghadapi segala kesukaran dengan cekal hati); sesungguhnya Allah berserta orang yang sabar.”

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَاللَّهُ الْحَمْدُ،

Muslimin Muslimat Yang Dirahmati Allah Subhanahu wa Taala,

Maka dalam semangat hari raya Aidilfitri ini, marilah kita bersatu padu untuk memartabatkan syiar dan syariat Islam. Sedarlah, betapa kumpulan liberal sentiasa berusaha untuk melemahkan agama dan umatnya. Mereka datang dari segenap



penjuru, mengharapkan agar setiap sendi dalam Islam, dirobek dan dihancurkan satu demi satu. Ini termasuklah usaha memecahbelahkan perpaduan umat, merungkai sistem perundangan Islam, menggalakkan hiburan yang melampau, menjajah cara berfikir, dan menjauhkan umat daripada al-Quran dan Sunnah. Percayalah, bahawa semua ini hanya akan dapat dihindari, menerusi perpaduan umat Islam.

Ingatlah, tiadalah perkara yang amat menggembirakan musuh Islam, melainkan apabila mereka melihat umat Islam berpecah dan bergaduh sesama sendiri. Hayatilah pesanan Nabi Sallallahu Alaihi Wasallam dalam hadis riwayat Imam Tirmizi:

عَلَيْكُمْ بِالْجَمَاعَةِ وَإِيَّاكُمْ وَالْفُرْقَةَ فَإِنَّ الشَّيْطَانَ مَعَ الْوَاحِدِ وَهُوَ مِنَ الْإِثْنَيْنِ أَبْعَدُ

Yang bermaksud: *“Hendaklah kamu berada dalam jemaah dan elakkan perpecahan. Sesungguhnya syaitan suka mendekati orang yang bersendirian, dan makin jauh dengan orang yang lebih ramai.”*

Firman Allah Subhanahu wa Taala dalam Surah al-Anbiya’ ayat 92:

إِنَّ هَذِهِ أُمَّتُكُمْ أُمَّةً وَاحِدَةً وَأَنَا رَبُّكُمْ فَاعْبُدُونِ

Yang bermaksud: *“Sesungguhnya agama Islam inilah agama kamu, agama yang satu asas pokoknya, dan Akulah Tuhan kamu; maka sembahlah kamu akan Daku.”*

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَاللَّهُ أَحْمَدُ،



بَارَكَ اللهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ
الْحَكِيمِ، وَتَقَبَّلَ مِنِّي وَمِنْكُمْ تِلَاوَتَهُ، إِنَّهُ هُوَ السَّمِيعُ الْعَلِيمُ. أَقُولُ قَوْلِي هَذَا وَأَسْتَغْفِرُ
اللهَ الْعَظِيمَ لِي وَلَكُمْ، وَلِسَائِرِ الْمُسْلِمِينَ وَالْمُسْلِمَاتِ، وَالْمُؤْمِنِينَ وَالْمُؤْمِنَاتِ،
فَاسْتَغْفِرُوهُ إِنَّهُ هُوَ الْغَفُورُ الرَّحِيمُ